

ጳውሎስ ፕላጥናው ፃፊዳ ኪታ ጌሉዋ

ፕላጥኒ ኤሬቴዳ አማኒያ አሳ፤ ኢ ቆላሲያሳ ዋሳ ጎሊያ አሳ ጌዴናን ዋዪ አጋና። ፕላጥናው አናሲሞሳ ጌያ አይሊ ዴዔ። ሄ አይሊ ባሬ ጎዳፔ ቤቲዴ ቤዳ ዋዴ፣ ቃሾ ጎሌን ዴዒያ ጳውሎሳና ጋኬቴዳ። አናሲሞስ ጳውሎሳ ባጋና ዩሱሳ አማኔዳ። ጳውሎስ ፕላጥናሲ ፃፊዳ ኪታይ ፕላጥኒ ጉዬ ሲሚ ቢዴ ዴዒያ ባሬ ቆማና ሲጌታናዳን፣ ሄዋ ሃሳዪሲያዋ። ሄዋ ቦላካ ሃዒ አናሲሞስ አማኒያ አሳ ጌዴዳ ዲራው፣ ሃዋፔ ሲንፋው አማኒያ ኢሻዳን አ ሞኪ አካናፔ አቲን፣ ቆማዳን አ ጃሊናዳን አው ኦዴ።

ሺምፓቱዋ ኡባቱዋሲ አሜቴዳ ቃንሳ ቆፋቱዋ

ጌሉዋ (1-3)

ፕላጥናሲ ጳውሎሳ ጋላታ (4-7)

ጳውሎስ አናሲሞሳ ዲራው ሺሺዳ ሚና ኦሻ (8-22)

ወርሴሳ ቁቲያ (23-25)

1 ታኒ ጳውሎስ፣ ዩሱሲ ኪሪሰቶሳ ዲራው ቃሾዋን ዴዒያዌኔ ኑ አሻ ጂሞቶሲ፣ ኑናና ኦሲያ ኑኒ ሲቂያ ፕላጥናው፣

2 ኔ ጎሌን ሺቂያ አማኒያዋንቶ፣ ኑ ሚቻቲ አፊቢሲኔ ኑናና ኢቲፔ ዴዒያ ኪሪሰቶሳ ዋታዳራ አርኪፖሳው ሃ ዳቢዳቢያ ፃፊቶ።

3 ያሳ ኑ አወዋፔኔ ኑ ጎዳ ዩሱሲ ኪሪሰቶሳፔ አጼ ኬካቴላይኔ ሳርቴላይ ሂንቴንቲሲ ጌዶ።

ፕላጥና ሲቁዋኔ አማኑዋ

4-5 ኔኒ ያሳ አሳቱዋ ሲቁያዋኔ ጎዳ ዩሱሳ አማኒያዋ ታኒ ሲሲያ ዲራው፣ ያሳ ዋሳዴ ኔና ሃሳዪያ ዋዴ ኡባን፣ ታ ያሳ ጋላታይ።

6 ኔኒ ኔ አማኑዋ ሃራቱዋና ሻኪያዌ ኑሲ ኪሪሰቶሲ ዩሱሳ ባጋና ዪያ ሎዶባ ኡባ ኤሪሳና ማላ፣ ታኒ ያሳ ዋሳይ።

7 አዪሲ ጎፔ፣ ያሳ አሳቱዋ ዋዛናይ ኔ ኪታን ሚኔዳ ዲራው፣ ታ ኢሻው፣ ታኒ ኔ ሲቁዋን ዳር ናሼቻኔ ሜንሴሉዋ ዴማዲ።

አናሲሞስ ፕላጥናኮ ሲሜዳ ሲሙዋ

8 ሃዋ ዲራው፡ ኔኒ ኦላናው ቤሲያዋ ኦላና ማላ፡ ታኒ ኔና ኣዛዛናው ኪሪሰቶሳ ባጋና ፃሎፔካ፡

9 ታኒ ጳውሎሲ ጨሜዳዌ፡ ኪሪሰቶሲ ዩሱሳው ሃሲካ ቃሹዋን ደዒያዌ፡ ሲቁዋ ዲራው፡ ኔና ዋሳይ።

10 ታኒ ቃሹዋን ደዒዳ ኣው ኣዉዋ ጊደዳ ታ ናባ ኣናሲሞሳ * ዲራው፡ ኔና ዋሳይ።

11 ኢ ካሴ ኔና ጎዔና፤ ሺን ሃሲ ኔናካ ታናካ ቱሙ ጎዔ።

12-13 ታኒ ዋዛናፔ ደሲያ ኣናሲሞሳ ኔኮ ዩደዌ ታ ዋዛና ዩደዋ። ታኒ ዋንጋላ ዲራው ቃሹታ ኡታ ደዒሺን፡ ኔና ኮቲዳ፡ ታና ማደና ማላ፡ ታ ማታን ኣ ኣሻናው ኮያይ።

14 ሺን ኔኒ ኔ ሺኒያዳን ኦላናዋ ኮያይፔ ኣቲን፡ ኔናና ዘሬቲናን ዋልቃን ኣይኔ ኦላናው ኮዩኬ።

15 ኣናሲሞሲ ጉላ ዋዲያ ኔፔ ሻኬቲዳዌ፡ ኦኒ ኤሪ ሲሚዳ፡ ኡባ ዋዴካ ኔናና ደዒናሴንቶኔ።

16 ሲሚ ሃዋፔ ሲንሳው ኣናሲሞሲ ኣይሊያ ጊደና፤ ሺን ኣይሊያፔ ኢ ሎይሊ ኣጼ፤ ኢ ታው ኣይ ኬና ሲቆ ኢሺ! ቃሲ ኢ ኔው ኣሳ ባጋናካ ጎዳ ባጋናካ ኣይ ኬና ኣጼዳ ኢሻ ጊደንዴሻ!

17 ሲሚ ኔኒ ታና ኔ ላጌላ ጊያዋ ጊደፔ፡ ታና ሞኪያዋዳን፡ ኣ ሞካ።

18 ኢ ኔው ባዩዜዳባይ ዋይ ኣ ቦላ ኔው ኣጩ ደፃፔ፡ ታፔ ጨጋ ኣካ።

19 ሄ ኣጩዋ ታኒ ጨጋና ጋዴ፡ ታኒ ጳውሎሲ ታ ኩሺያን ፃፋይ። ኔኒ ታው ኔ ሹምፑዋ ኣጮታ ኡቲዳዋ ታኒ ኔና ሃሳዩሳናው ኮሺና።

20 ኤ፡ ታ ኢሻው፡ ጎዳ ባጋና ኔፔ ማዲዋ ደማናው ኮያይ። ኪሪሰቶሳ ባጋና ታና ሜንሌላ።

21 ታኒ ጌዳዋፔ ዳሩዋ ኔኒ ኦላናዋ ኤራዳ፡ ቃሲ ኔ ታው ኣዛዜታናዋካ ኣማናዳ፡ ሃዋ ኔው ፃፋይ።

22 ቃሲ ሂንቲንቲ ኤሌካ ታው ኢማላይ ሹምፒያ ጎሊያ ጊሊሲቲ። ኣዩሲ ጎፔ፡ ያሳይ ሂንቲንቲ ዋሳን ታና ሂንቲንቲሲ ጉዩ ዛሪዳ ኢማና ጋዴ ቆፓይ።

ወርሴላ ሳርታ

23 ኪሪሰቶሲ ዩሱሳ ዲራው፡ ታናና ቃሹዋን ደዒያ ኤፓፊሪ ኔና ሳር ሳር ጌ።

* **1:10** ኣናሲሞሳ፡ ጊያ ሱንላ ቢሌላይ፡ ግሪኪያ ቃላን ጎዒያዋ ዋይ ማዲያዋ ጉላ።
1:10 ቆል 4፡9

24 ቃሲ ታናና ኢቲፔ ኦሌያ ማርቆሲ፣ ኣሪሰዲሮኮሲ፣ ዴማሲኔ ሉቃሲ ኔና ሳሮ ሳሮ ጊና።

25 ጎዳ ዩሱሲ ኪሪሰቶሳ ኣጼ ኬካቴላይ ሂንቴንቱ ኣያናና ጊዶ።

Ooratha Caaquwaa New Testament in Dawro (ET:dwr:Dawro)

copyright © 2011 Wycliffe Bible Translators, Inc.

Language: Dawro

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Dawro

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 1 Oct 2024 from source
files dated 29 Jan 2022
585b63ca-b8e6-55c8-bfef-10bdc95ad69c